

ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ««ԼԱՎԱԳՈՒՅՆ ՄԱՐԶԱԿԱՆ ՆԱԽԱԴՊՐՈՑԱԿԱՆ ՀԱՍՏԱՏՈՒԹՅՈՒՆ» ՄԻՋՈՑԱՌՄԱՆ ԱՆՑԿԱՑՄԱՆ» ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ

N ՍՊ-ԳՀԾՁԲ-19/8-132

ք. Երևան

«22» 03 2019 թ.

Հայաստանի Հանրապետության սպորտի և երիտասարդության հարցերի նախարարությունը, ի դեմս գլխավոր քարտուղար Վահե Էլոյանի, որը գործում է Հայաստանի Հանրապետության սպորտի և երիտասարդության հարցերի նախարարության կանոնադրության հիման վրա (այսուհետ՝ Պատվիրատու), մի կողմից, և «ԼՈՌԵ ՀՈԼԴԻՆԳ» ՍՊԸ-ն, ի դեմս տնօրեն Գոհար Աղաջանյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ««Լավագույն մարզական նախադպրոցական հաստատություն» միջոցառման անցկացման» ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն:

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը:

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 9 990 000 (ինը միլիոն ինը հարյուր իննսուներեք հազար) ՀՀ դրամ, ներառյալ ԱԱՀ-ն¹:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

¹ Եթե Կատարողի կողմից գնային առաջարկը ներկայացվել է առանց ԱԱՀ-ի, ապա պայմանագիրը կնքելիս «ներառյալ ԱԱՀ-ն» բառերը հանվում են:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով²:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:³

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ,

² Պայմանագիրը «Գնումների մասին» ՀՀ օրենքի 15-րդ հոդվածի 6-րդ կետի հիման վրա կնքված լինելու դեպքում փուլաբար հաշվարկվում է պայմանագրի գնի այն մասի նկատմամբ, որի համար փուլավարվա ընթացքում հարկացվել են ֆինանսական միջոցներ և կնքվել է համաձայնագիր:

³ Պետական բյուջեի միջոցների հաշվին պարտավորություններ չառաջացնող գնումների դեպքում սույն նախադասությունը պայմանագրից հանվում է:

որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.8 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.12 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.13 Սույն պայմանագիրը կազմված է 13 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.14 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

Հայաստանի Հանրապետության սպորտի և երիտասարդության հարցերի նախարարություն
ք. Երևան, Աբովյան 9
Հայաստանի Հանրապետության ֆինանսների նախարարության գործառնական վարչություն
Հ/Ը 900011004489
ՀՎՀՀ 02586282

Գլխավոր քարտուղար՝
Վ. Էլոյան
(ստորագրություն)
Կ.Տ.

Կ Ա Տ Ա Ր Ո Ղ

«ԼՈՌԵ ՀՈՒԴԻՆԳ» ՍՊԸ
գործունեության հասցե՝
ՀՀ, ք. Երևան Զարենցի 4
«ՎՏԲ-Հայաստան բանկ» ՓԲԸ
Հ/Ը16033015694600
ՀՎՀՀ 06952546



ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ծառայության							
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	մատուցման	
						հասցեն	Ժամկետը**
1	92621110/3	*հավելված տեխնիկական բնութագիր	դրամ	9 990 000	1	<p>2-րդ փուլ՝ Հայաստանի Հանրապետության ն 40 համայնքներում, Երևան քաղաքի 12 վարչական շրջանների և Արցախի Հանրապետության և Սյունիքի մարզերի 2019 թվականի ապրիլի 20-ից մայիսի 10-ը.</p> <p>3-րդ փուլ՝ Հայաստանի Հանրապետության և մարզերում, Երևան քաղաքում և Արցախի Հանրապետության և Սյունիքի մարզերի 2019 թ. մայիսի 25-ից հունիսի 5-ը.</p> <p>4-րդ եզրափակիչ փուլ թ. Երևան</p>	<p>Մրցույթը կազմակերպվելու և անցկացվելու է 2019 թվականի ապրիլի 20-ից հունիսի -21-ը</p> <p>20.04-10.05.19թ</p> <p>25.05-05.06.19թ</p> <p>20-21.06.19թ</p>

***հավելված տեխնիկական բնութագիր**

1.«Լավագույն մարզական նախադպրոցական հաստատություն» 2019 թվականի մրցույթի (այսուհետ՝ Մրցույթ) նպատակն և խնդիրներն են՝

1) անհատի բազմակողմանի ու ներդաշնակ զարգացում, նախադպրոցական տարիքի երեխաների առողջության ամրապնդում, շարժողական ընդունակությունների ձևավորում, առողջության ամրապնդում, առողջ ապրելակերպի գաղափարի ձևավորում, ֆիզիկական կուլտուրայի և սպորտի դերի բարձրացում:

2) նախադպրոցական տարիքի երեխաների շրջանում տարբեր մարզաձևերով մարզվելու կողմնորոշման ձևավորում, ֆիզիկական կուլտուրայի և սպորտի քարոզչություն, ֆիզիկական կուլտուրայի և սպորտի դերի կարևորում:

2. Մրցույթն անցկացվելու է 4 փուլով:

1) 1-ին փուլ՝ նախադպրոցական հաստատություններում և նախակրթարաններում:

2) 2-րդ փուլ՝ Հայաստանի Հանրապետության 40 համայնքներում, Երևան քաղաքի 12 վարչական շրջանների և Արցախի Հանրապետության Ստեփանակերտ քաղաքում 2019 թվականի ապրիլի 20-ից մայիսի 10-ը:

ա) Արագածոտնի մարզ – ք. Աշտարակ, ք. Ապարան, ք. Թալին,

բ) Արարատի մարզ – ք. Արտաշատ, ք. Արարատ, ք. Մասիս, ք. Վեդի,

գ) Արմավիրի մարզ – ք. Արմավիր, ք. Էջմիածին, գ. Լեռնագոգ,

դ) Գեղարքունիքի մարզ – ք. Գավառ, ք. Ճամբարակ, ք. Մարտունի, ք. Վարդենիս, ք. Սևան,

ե) Լոռու մարզ – ք. Վանաձոր, ք. Ալավերդի, ք. Ստեփանավան, ք. Սպիտակ, ք. Տաշիր,

զ) Կոտայքի մարզ – ք. Հրազդան, ք. Աբովյան, ք. Չարենցավան, ք. Եղվարդ,

է) Շիրակի մարզ – ք. Գյումրի, ք. Արթիկ, ք. Մարալիկ, գ. Ամասիա-գ. Աշոցք,

գ. Ախրյան,

ը) Սյունիքի մարզ – ք. Կապան, ք. Գորիս, ք. Սիսիան, ք. Քաջարան, ք. Մեղրի

թ) Վայոց ձորի մարզ – ք. Եղեգնաձոր, ք. Վայք,

ժ) Տավուշի մարզ – ք. Իջևան, ք. Դիլիջան, ք. Նոյեմբերյան, ք. Բերդ

ժա) Արցախի Հանրապետություն – ք. Ստեփանակերտ,

ժբ) Երևան քաղաքի 9 վարչական շրջաններում՝ Աջափնյակ–Դավթաշեն, Արաբկիր, Էրեբունի – Նուբարաշեն, Կենտրոն, Մալաթիա-Սեբաստիա, Նոր Նորք, Ավան-

Նորք-Մարաշ, Շենգավիթ, Քանաքեռ-Զեյթուն:

3) 3-րդ փուլ՝ Հայաստանի Հանրապետության մարզերում, Երևան քաղաքում և Արցախի Հանրապետության Ստեփանակերտ քաղաքում 2019 թ. մայիսի 25-ից հունիսի 5-ը:

4) 4-րդ՝ եզրափակիչ փուլ (հանրապետական), 2019 թվականի հունիսի 20-ից 21-ը ք. Երևան:

5) Համայնքային և մարզային փուլերի անցկացման ժամանակացույցը ներկայացվում է Հայաստանի Հանրապետության սպորտի և երիտասարդության հարցերի նախարարություն (այսուհետ՝ Նախարարություն) մինչև 2019 թվականի ապրիլի 15-ը:

5. Մրցույթի անցկացման աշխատանքները համակարգում է Նախարարությունը:

6. 2-րդ փուլի կազմակերպման և անցկացման աշխատանքները համայնքներում իրականացնում են համայնքապետարանները, վարչական շրջանները և քաղաքապետարանները, իսկ 3-րդ փուլի մրցումների կազմակերպման և անցկացման աշխատանքները իրականացնում են Հայաստանի Հանրապետության մարզպետարանները, Երևանի քաղաքապետարանը, Արցախի Հանրապետության կրթության, գիտության և սպորտի նախարարությունը: 4-րդ՝ եզրափակիչ փուլի մրցումների անցկացման անմիջական պատասխանատվությունը կրում է Նախարարության կողմից հաստատված մրցավարական հանձնաժողովը:

7. Մրցույթին կարող են մասնակցել Հայաստանի Հանրապետության մարզերի Հաստատությունների ավագ տարիքի բոլոր երեխաները (թիմի կազմը՝ 5 փղա, 5 աղջիկ և 2 ներկայացուցիչ):

8. Մրցույթի կազմակերպման և անցկացման կարգը տեղերում որոշում են կազմակերպիչները՝ համաձայնեցնելով Նախարարության հետ:

9. Մրցույթի 3-րդ փուլի մրցումներին 1-ին տեղերը գրաված Հաստատությունները կմասնակցեն Երևան քաղաքում անցկացվող եզրափակիչ փուլի մրցումներին:

10. Մրցույթի 2-րդ փուլի 1-ին, 2-րդ և 3-րդ տեղերը գրաված Հաստատությունները պարգևատրվում են Նախարարության համապատասխան կարգի հավաստագրերով, մարզագույքով:

11. Մրցույթի 3-րդ փուլի 1-ին, 2-րդ և 3-րդ տեղերը գրաված Հաստատությունները պարգևատրվում են Նախարարության համապատասխան կարգի հավաստագրերով:

12. Մրցույթի 4-րդ փուլերում 1-ին, 2-րդ և 3-րդ տեղերը գրաված Հաստատությունները պարգևատրվում են Նախարարության համապատասխան կարգի հավաստագրերով, մեդալներով և գավաթներով, իսկ 4-12-րդ տեղեր գրաված թիմերը՝ մարզագույքով և շնորհակալագրերով:

13. Մրցույթի ծախսերն իրականացվում են տարեկան պետական բյուջեով նախատեսված «Լավագույն մարզական նախադպրոցական հաստատություն» մրցույթի անցկացում ծրագրի շրջանակում:

«Լավագույն մարզական նախադպրոցական հաստատություն» մրցույթի անցկացման համար 2-րդ, 3-րդ և 4-րդ փուլերում 1-ին, 2-րդ և 3-րդ տեղերը գրաված հաստատություններին պարգևատրելու համար անհրաժեշտ են հետևյալ մրցանակները և պարագաները՝

- Վկայագիր՝ (հավաստագիր, շնորհակալագիր). չափսը՝ 30 x 20 սմ, թղթե, օֆսեթ, կավճապատ, խտությունը՝ 220 գ/քմ: Տեքստը համաձայնեցնել ՄՍՖԴՔ վարչության հետ՝

186 հատ

2-րդ փուլ՝ 1-ին տեղը

- Մանկական հեծանիվ՝ կարկասը մետաղական, քաշը 9-10 կգ, անիվների տրամագիծը՝ 12 դոյմ, ղեկի բարձրությունը կարգավորվող և վրա զանգ ամրացված, բռնակները ռետինեպատ, արգելակումն ոտքով, կամ ոտքով և ձեռքով, նստատեղը ռետինապատ և կարգավորվող, հետևի անվադողին կից հավասարակշռող 2 փոքր անիվներ, դիմացի և ետևի անվադողերին ամրացված մետաղյա կամ պլասմասյա թևակներ, յուրաքանչյուր հաստատությանը 1 հատ: (50 հատ)

- Գնդակ մանկական՝ կաշվե կամ փոխարինող հումքից, չափս N°3-4, յուրաքանչյուր հաստատությանը 5 հատ:

(5x50=250 հատ)

- Մարմնամարզական փուլիկ, բռնակով, 50-60 սմ տրամագծով, յուրաքանչյուր հաստատությանը 4 հատ: (4x 50=200 հատ)

Մարմնամարզական օղակ՝ պլասմասե, Հաստություն՝ 20մմ, տրամագիծ՝ 70-80 սմ, յուրաքանչյուր հաստատությանը 6 հատ (6x 50=300 հատ)

2-րդ տեղը

- Մանկական հեծանիվ՝ կարկասը մետաղական, քաշը 9-10 կգ, անիվների տրամագիծը՝ 12 դոյմ, ղեկի բարձրությունը կարգավորվող և վրա զանգ ամրացված, բռնակները ռետինեպատ, արգելակումն ոտքով, կամ ոտքով և ձեռքով, նստատեղը ռետինապատ և կարգավորվող, հետևի անվադողին կից հավասարակշռող 2 փոքր անիվներ, դիմացի և ետևի անվադողերին ամրացված մետաղյա կամ պլասմասյա թևակներ, յուրաքանչյուր հաստատությանը 1 հատ: (50 հատ)

(50 հատ)

- Գնդակ մանկական՝ կաշվե կամ փոխարինող հումքից, չափս N°3-4, յուրաքանչյուր հաստատությանը 4 հատ:

(4x50=200 հատ)

- Մարմնամարզական փուլիկ, բռնակով, 50-60 սմ տրամագծով, յուրաքանչյուր հաստատությանը 3 հատ: (3x 50=150 հատ)

(3x 50=150 հատ)

Մարմնամարզական օղակ՝ պլասմասե, Հաստություն՝ 20մմ, տրամագիծ՝ 70-80 սմ, յուրաքանչյուր հաստատությանը 4 հատ (4x 50=200 հատ)

(4x 50=200 հատ)

3-րդ տեղը

- Մանկական հեծանիվ՝ կարկասը մետաղական, քաշը 9-10 կգ, անիվների տրամագիծը՝ 12 դույմ, ղեկի բարձրությունը կարգավորվող և վրա զանգ ամրացված, բռնակները ռետինեպատ, արգելակումն ոտքով, կամ ոտքով և ձեռքով, նստատեղը ռետինապատ և կարգավորվող, հետևի անվաղողին կից հավասարակշռող 2 փոքր անիվներ, դիմացի և ետևի անվաղողերին ամրացված մետաղյա կամ պլաստմասյա թևակներ, յուրաքանչյուր հաստատությանը 1 հատ:
(50 հատ)
- Գնդակ մանկական՝ կաշվե կամ փոխարինող հումքից, չափս N°3-4, յուրաքանչյուր հաստատությանը 3 հատ:
(3x50=150 հատ)
- Մարմնամարզական փուչիկ, բռնակով, 50-60 սմ տրամագծով, յուրաքանչյուր հաստատությանը 2 հատ:
(2x50=100 հատ)

Մարմնամարզական օղակ՝ պլաստմասե, Հաստություն՝ 20մմ, տրամագիծ՝ 70-80 սմ, յուրաքանչյուր հաստատությանը 2 հատ
(2x 50=300 հատ)

3-րդ փուլ՝ 1-ին տեղը

- Գավաթ (1-ին, 2-րդ և 3-րդ տեղերը գրաված պատվիրակությունների համար) 55 սմ, 50 սմ և 45 սմ բարձրությամբ, միանման, ոսկեգույն, էրոնիտե պատվանդանով՝ վրան գրված միջոցառման անվանումը և տեղը, տեքստը համաձայնեցնել նախարարության աշխատակազմի ՄՍՖԴ-Ք վարչության հետ:
(3x12=36 հատ)

4-րդ՝ եզրափակիչ փուլում մատուցվող ծառայություններ

- Վկայագիր.(հավաստագիր, շնորհակալագիր). չափսը՝ 30 x 20 սմ, թղթե, օֆսեթ, կավճապատ, խտությունը՝ 220 գ/քմ: Տեքստը համաձայնեցնել ՄՍՖԴ-Ք վարչության հետ
(12 հատ)
- Վկայագրի գրպանիկով թղթապանակ, զինանշանով (Շնորհակալագրի և հավաստագրի): Չափսը՝ 32 x 22 սմ, թղթե, օֆսեթ, կավճապատ, խտությունը՝ 220գ/քմ: Տեքստը համաձայնեցնել ՄՍՖԴ-Ք վարչության հետ:
(12 հատ)
- Մեդալներ. չափսը՝ 5 սմ տրամագծով x 3 մմ հաստությամբ, մետաղե ձուլվածք, եռագույն ժապավենով՝ 0.80 սմ երկարությամբ, սինթետիկ հումքից (1-ին, 2-րդ և 3-րդ տեղեր գրաված մասնակիցներին): Տեսքը համաձայնեցնել նախարարության աշխատակազմի ՄՍՖԴ-Ք վարչության հետ:
(30 հատ)
- Գավաթ (1-ին, 2-րդ և 3-րդ տեղերը գրաված պատվիրակության համար)՝ 65 սմ, 60 սմ և 55 սմ բարձրությամբ, ոսկեգույն, միանման, էրոնիտե պատվանդանով՝ վրան գրված միջոցառման անվանումը և տեղը, տեքստը համաձայնեցնել նախարարության աշխատակազմի ՄՍՖԴ-Ք վարչության հետ:
(3 հատ)
- Մարզադահլիճի վարձակալում՝
Երևանի մարզադահլիճներից մեկում, մարզադահլիճի ձևավորում դրոշակներով և պաստառներով զարդարված:
(1 օր)
- Ռեդիոհանգույցի վարձակալում՝
բարձրախոս 7 կվ հզորությամբ, 2 բարձրախոս առանց լարի, 1-ը լարով, միկշերային վահանակ: (1 օր)
- Հաղորդավարի ծառայություն
(1 օր)
- Մրցավարների համար բամբակյա կտորից ամառային շապիկ և գլխարկ, գույնը՝ սպիտակ, «Լավագույն

մարզական ընտանիք» մրցույթի պատկերանշանով (հանձնվում է անհատույց, սեփականության իրավունքով):

Մարզաշապիկի չափսերը՝ XXL - 3 հատ, XL - 3 հատ, L - 4 հատ, M - 4 հատ:

Ընդամենը՝ **14 հատ**

• Արևային գլխարկ (կեպի) **14 հատ**

• Նվերներ. մարզահագուստ մասնակից բոլոր երեխաների համար՝ կիսասինթետիկ հուփքից, վերնազգեստը կարմիր կամ կապույտ՝ եզրագծված սև և սպիտակ գծերով, տաբատը սև (հանձնվում է անհատույց, սեփականության իրավունքով), չափսերն 6-7 տարեկան երեխաների համապատասխան;

(120 հատ)

• **Մարզագույք.** Մանկական հեծանիվ՝ կարկասը մետաղական, քաշը 9-10 կգ, անիվների տրամագիծը՝ 12-14 դույմ, դեկի բարձրությունը կարգավորվող և վրա զանգ ամրացված, բռնակները ռետինեպատ, արգելակումն ուտքով, կամ ոտքով և ձեռքով, նստատեղը ռետինապատ և կարգավորվող, հետևի անվադողին կից հավասարակշռող 2 փոքր անիվներ, դիմացի և ետևի անվադողերին ամրացված մետաղյա կամ պլաստմասյա թևակներ. հանձնվում է անհատույց, սեփականության իրավունքով՝ եզրափակիչ փուլում **4-12-րդ տեղերը** գրաված նախադպրոցական հիմնարկներին (մեկական):

(9 հատ)

• Գնդակ մանկական՝ կաշվե կամ փոխարինող հուփքից, չափս N°3-4, յուրաքանչյուր հաստատությանը 4 հատ:

(4x9=36 հատ)

• Մարմնամարզական փուչիկ, բռնակով, 50-60 սմ տրամագծով, յուրաքանչյուր հաստատությանը 1 հատ:

(1x9=9 հատ)

• Միջոցառման ավարտին ճայթուկ (հրավառություն՝ 6 կետից), մարզադահլիճում:

• Հաղորդավարի ծառայություն,

1 օր

• Ֆոտո նկարահանում **1 օր**

• Մարզադահլիճի տրամադրում Երևան քաղաքի որևէ մարզադահլիճներից մեկում: Մարզադահլիճի ձևավորման, մարզադահլիճի և հարակից տարածքի ձևավորում դրոշակներով և պաստառներով, միջոցառման ավարտից հետո ապամոնտաժում և պահեստավորում, պարզևատրման արարողությունը կազմակերպելու համար պատվանդանի առկայություն: Մարզադահլիճի կահավորման տեսքը համաձայնեցնել նախարարության աշխատակազմի ՄՍՖԴՔ վարչության հետ՝

1 օր

Այլ ծախսեր գրեճական պիտույքներ՝

• Բաններ միջոցարման անվանումով (խորդանիշով) պատրաստված պոլիէսթերային նյութից, բանների չափսը՝ 2 մ x 2 մ, 4 եզրերը մետաղյա օղերով 15-20 սմ հեռավորությամբ, բաների տեկստը համաձայնեցնել ՄՍՖԴՔ վարչության հետ:

1 հատ

• Թղթե արագակար կավճած ստվարաթղթից, մետաղական ամրակով, A4 (210 x 297 մմ) ձևաչափի թերթերի համար:

10 հատ

• Ֆայլ (թափանցիկ պոլիմերային թաղանթ, A4 ձևաչափի թղթերի համար, արագակալներին ամրացնելու հնարավորությամբ:

50 հատ

• Գունավոր ժապավեն սինթետիկ հուփքից, գլանափաթաթված ժապավեն 48 մմ լայնությամբ (տարբեր գույների):

100 մետր

• Կաշուն ժապավեն (սկոչ):

3 հատ

• Թուղթ A4 չափսի 1 (21 x 29.7), չկավճած թուղթ, օգտագործվում է տպագրման համար, թելիկներ չպարունակող, մեխանիկական եղանակով ստացված, 80 գ/մ² (210 x 297) մմ:

2 հատ

• Թղթապանակ (ռեգիստրատոր)՝ 2 օղակով, պլաստիկ, լայնությունը՝ 80 մմ, A4 չափսի:

10 հատ

• Գրիչ գնդիկավոր. տարբեր գույների, տարբեր տեսակի կառուցվածքներով, մեծ և փոքր չափերի:

10 հատ

• Տրանսպորտային միջոց եզրափակիչ փուլի մարզագույքը տեղափոխելու համար՝ մեկ բեռնատար մեքենա:

(1 բեռնատար մեքենա)

* ծառայության մատուցման վերջնաժամկետը չի կարող ավել լինել, քան փվյալ փարվա դեկտեմբերի 15-ը:

*** Վերոհիշյալ մրցույթն անցկացվում է Հայաստանի Հանրապետության սպորտի և երիտասարդության հարցերի նախարարի 14-ը հունվարի 2019 թ. N 4-Ա/1 հրամանով հաստատված «Լավագույն մարզական նախադպրոցական հաստատություն» մրցույթի անցկացման 2019 թվականի կանոնակարգի պահանջների համաձայն:**

**** Պարտադիր պայման է գույքի չօգտագործված լինելը:**

***** Միջոցառման անցկացման համար նախատեսված մրցանակներն և անհրաժեշտ գույքը Կատարողը հասցնում մրցավայրեր՝ 2-րդ փուլում ՀՀ 40 համայնքներ, ԱՀ ք. Սյրեփանակերտ և Երևան քաղաքի 9 վարչական շրջաններ, 3-րդ փուլում ՀՀ 10 մարզկենտրոններ, ԱՀ ք. Սյրեփանակերտ և Երևան, եզրափակիչ փուլը՝ ք. Երևան: Մասսայական սպորտի և ֆիզիկական դաստիարակության քաղաքականության վարչության կողմից կատարողին լրացուցիչ փրամադրվող ժամանակացույցի և պարզևարման ցանկի համապատասխան տեղերում կազմակերպում է պարզևարումը, կազմում է մրցանակների և գույքի բաշխման ցուցակները, որոնք հետագայում դառնում են ընդունման-հանձնման ակտի անբաժանելի մասը: Կատարողը իրականացնում է բոլոր կազմակերպչական աշխատանքները՝ համաձայնեցնելով ՀՀ սպորտի և երիտասարդության հարցերի նախարարության մասսայական սպորտի և ֆիզիկական դաստիարակության քաղաքականության վարչության հետ:**

Պ Ա Տ Վ Ի Ր Ա Տ ՈՒ

Հայաստանի Հանրապետության սպորտի և երիտասարդության հարցերի նախարարություն
ք. Երևան, Արմյան 9

Հայաստանի Հանրապետության ֆինանսների նախարարության գործառնական վարչություն

Հ/Կ 900011004489

ՀՎՀՀ 02586282

Գլխավոր քարտուղար՝

Կ Ա Տ Ա Ր Ո Ղ

«ԼՈՒԵ ՀՈԼԴԻՆԳ» ՍՊԸ

գործունեության հասցե՝

ՀՀ, ք. Երևան Չարենցի 4

«ՎՏԲ-Հայաստան բանկ» ՓԲԸ

Հ/Կ16033015694600

ՀՎՀՀ 06952546

Հավելված N 2
«22» 03 2019 թ. կնքված
«ՍՊ-ԳՀԾՁԲ-19/8»-132 ծածկագրով պայմանագրի

Ծառայության

հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2019 թ-ին՝ ըստ ամիսների, այդ թվում**												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
1	92621110/3	Սպորտային միջոցառումներ ի կազմակերպման ծառայություններ	0	0	0	999 0.0	999 0.0	999 0.0	9990 .0	999 0.0	999 0.0	9990 .0	999 0.0	999 0.0	9990 .0

Պ Ա Տ Վ Ի Ր Ա Տ ՈՒ

Հայաստանի Հանրապետության սպորտի և երիտասարդության հարցերի նախարարություն
 ք. Երևան, Արուսյան 9
 Հայաստանի Հանրապետության ֆինանսների նախարարության գործառնական վարչություն
 Հ/Հ 900011004489
 ՀՎՀՀ 02586282
 Գլխավոր քարտուղար՝


 Վ. Էլոյան
 (ստորագրություն)
 Կ.Տ.

Կ Ա Տ Ա Ր Ո Ղ

«ԼՈՌԵ ՀՈԼԴԻՆԳ» ՍՊԸ
 գործունեության հասցե՝
 ՀՀ, ք. Երևան Չարենցի 4
 «ՎՏԲ-Հայաստան բանկ» ՓԲԸ
 Հ/Հ16033015694600
 ՀՎՀՀ 06952546


 Տնօրեն՝

Գ. Աղաջանյան
 (ստորագրություն)
 Կ.Տ.

Պայմանագրի կողմ

գտնվելու վայրը _____
հհ _____

հվհհ _____

Պատվիրատու

գտնվելու վայրը _____
հհ _____

հվհհ _____

**ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՏ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆԱՆ-ԸՆԴՈՒՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝ _____
 Պայմանագրի կնքման ամսաթիվը՝ « » « » 20 թ.
 Պայմանագրի համարը՝ _____
 Պատվիրատուն՝ ի դեմս _____ և
 Պայմանագրի կողմը՝ ի դեմս _____, հիմք ընդունելով
 Պայմանագրի կատարման վերաբերյալ « » « » 20 թ. կազմված՝ գնման հայտը
 նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև նշված
 ծառայությունները համապատասխանում են Պայմանագրով ամրագրված տեխնիկական բնութագրերին և
 գնման ժամանակացույցին՝ կազմեցին սույն արձանագրությունը հետևյալի մասին.
 Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	Մատուցված ծառայությունների							
	անվանումը	տեխնիկական բնութագրի համառոտ շարադրանքը	բանական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի /
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ ծառայությունների մատուցման վերաբերյալ բոլոր հաշիվ-ապարանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
 գնման պայմանագրի շրջանակներում Կատարողը 20 թ. _____-ին հանձնման-ընդունման
 նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

 ազգանուն, անուն

 ստորագրություն

Ընդունեց

հայտը նախագծած ներկայացուցիչ՝

 ազգանուն, անուն

 ստորագրություն